



## **Aningaasaqarnermut Naalakkersuisoq**

### **Sisamangornermi ulloq 1. juli 2010-mi Aningaasaqarnermut Ataatsimiititaliap aalajangiinera pillugu Naalakkersuisunut ilisimatitsineq – Suliaq nr. 01.31.06/10-00482.**

#### **Kukkusumik nuussinerit iluarsineqarneri.**

Naalakkersuisut **inassutigaat**,

Konto pingaarnermi 84.40.12 Ilinniartitaanermut sanaartukkat, pilersaarut nr. 060.52.038 Eqqumiitsuliornermut ilinniarfik, Nuuk 0,5 mio. kr.-inik ilaneqassasut.

Konto pingaarnermi 87.00.88 Nunaqarfinni isorliunerusunilu sanaartortitsinissamut pilersaarutit, pilersaarut nr. 996.29.105 nunaqarfinnut isorliunerusunullu, 2009 0,5 mio. kr.-inik appartinneqassasut.

Konto pingaarnermut 84.40.10 Kommunini atuarfiit, pilersaarut nr. 071.50.102 Iluarsartuussineq./allangortiterineq./atuarfiup ilaneqarnera, Atammik 0,37 mio. kr.-inik appartinneqassasut, pilersaarut nr. 183.50.118 Iluarsartuussineq./allangortiterineq./atuarfiup ilaneqarnera, Isortoq 1,38 mio. kr.-inik appartinneqassasut, kiisalu pilersaarut nr. 120.50.074 Jørgen Brønlund-ip atuarfia, Ilulissat 1,750 mio. kr.-inik ilaneqassasut.

#### **Aningaasaqarnermut Ataatsimiititaliap oqaaseqaatai**

Sanaartornermut tunngasuni nuussinissamik siusinnerusukkat qinnuteqaatip pingaarnertut aaqinneqarnissaa siunertaralugu aningaasaliissutissatut nuussinerit arlallit pillugit suliami matumani Naalakkersuisut qinnuteqarput.

Sanaartugassanut Iluarsagassanullu Aningaasaateqarfimmi pilersaarutit aningaasallu aqunneqanngitsut qinnuteqaatip matuma ersarissisikkaa Aningaasaqarnermut Ataatsimiititaliaq isumaqarpoq. Aningaasaateqarfimmi piaartumik aaqqiisoqartariaqaraluarnera tamatumunnga atatillugu ataatsimiititaliap oqaatigaa, taamaaliornikkut pilersaarutit ataasiakkaat naammassisarneqarnissaannut siunertarineqartuminngarnit nunatta karsiata aningaasaatai ingerlaavartumik ukiumoortumik aningaasanut inatsimmi annertunerusumik ilaatinneqarnissaat pingaarnertut ineqarsinnaaqullugu. Tamanna pissusissamisoorluinnartutut ataatsimiititaliap suli isumaqarfigaa.

#### **Aningaasaqarnermut Ataatsimiititaliap oqaaseqaatai**

Naalakkersuisut inassuteqaataat Aningaasaqarnermut Ataatsimiititaliap **akuersissutigai**.

Aningaasaqarnermut Ataatsimiititaliaq  
sinnerlugu

Naaja Nathanielsen

# Aningaasaqarnermut Ataatsimiititaliami siulittaasoq